

victos, interdum etiam vulneratos huma-
nis viribus succubuisse. Hæc videlicet sie-
bant Homeri temporibus & Hesiodi: nunc
vero vel omnes dii confecti bellis perierunt,
vel non audent amplius in terram deuola-
re: nullum enim ætate nostra vidimus aut
audiuimus: quãquam & terræ grauioribus
armorum ruinis quatiebantur, & quotidie
pluribus aris litabatur. Dii quidem quum
sint immortales, sempiternisq; sedibus sem-
piterna gloria fruuntur, auctores bonorum
omnium quæ aut oculis hominum aut mē-
te perspicui possunt (nam ea mala quibus fre-
quenter mortales affliguntur, eius flagitiis
ortum habent) dii inquam stulte creduntur
mutuis inter se odiis laborare, qui vel huma-
no generi additis virtutum igniculis in na-
tura præcipiant, vt inter se caste atq; concor-
diter ætatem agant, ac veluti parentes sem-
per ad honestatem incitant. Quod nisi de-
flectendum esset ab incepto sermone, mul-
to apertius tibi facerẽ deos Apathes ab om-
ni contagione q̄ longissime abductos orbẽ
vnanimi concordia gubernare: quod præ-
sertim ex stellis certissimo colligitur argu-
mento: quæ si vel dii sunt, vel (quod magis
putarim) iussa deorum exequuntur, qui mor-